

敘錄

古人著作既成必反覆推明著書之旨所以明取裁之所本也夫一方之書不能無藉乎一方之紀載若不另立專篇坐使前志難傳湮而莫考抑亦弗思之甚矣茲作敘錄敘列其人其文詳折衷之所自凡長垣舊志存佚悉見於後略倣史家敘傳敘錄之意推述其由非特不敢沒人之勞亦可爲後來者例焉

長垣志明宏治以前無可考可考者自明正德十一年丙子知縣張治道纂著成帙邑人胡錠爲之敘曰長垣舊有志歲久散亡鏤板不存民間或有藏其本者亦頗殘缺失

長垣縣志

卷之十六

敘錄

一

次漫不可覽凡尹是邑者皆有志於斯意舉而復輟卒莫能成故風俗人物與夫文章政績駸駸廢墜與世相靡後雖有作之者然亦無所徵矣正德乙亥張侯以進士拜今官侯關西人奇瑰高爽文章政事迥出人表沖浚莊正尤尚風節實今古之所難得者入官初首索舊志而讀之緣文尋意披閱至再病其疎而固簡而滯卽欲參互考訂祛其固陋乃命生員劉芳王漢王珙楊旻諮采民隱成帙以獻而其立義著例則斷以己意他人不能贊一辭也如論風俗則取其純而正論文章則取其有厲乎聲教論馬政則欲復我朝祖宗舊制論戶口則傷其減於在昔然孝子義士以及貞烈者尤拳拳注意焉其他考其實而錄之

總在所弗取仍以史之筆筆志此志之所以善也按長垣
春秋時爲蒲爲匡城以名宦則有季路孔子入其境以三
善稱之以人物則有蘧瑗孔子適衛嘗主於其家斯二子
者足冠斯志矣又何待乎富且劇哉今張侯之政固不止
於三善然而產於是土者尚當接蘧氏之芳躅云正德丙
子十月

嘉靖二十年知縣蒲州杜緯重修邑志開州王崇慶序曰
垣志舊未聞也蒐志而加修自西安張侯治道始也考其
年蓋正德丙子云蒲坂杜侯緯繼尹茲邑乃嘉靖辛丑夏
四月使來問志若曰令以植民民以固邦邦教在禮禮在
典典在志由周以來莫之能違也吾憂志之未備而又懼

長垣縣志

卷之十六

敘錄

其壞也先生何以教我王子曰不亦善乎充侯之志雖以
茂人文而崇化術可也獨邑乘也哉然吾不敢以文倡諸
時而又不欲效夫墳瑣弄文墨者亦惟曰卽名以究義因
義以求實如是而已耳如是而有實焉文在其中矣反是
而藻繪於聲色也吾何觀焉故吾之論志亦異乎人之撰
守已矣二曰田賦則征稅爲大焉吾欲其無效暴橫已矣
三曰祠祀則祭供爲大焉吾欲其無涉淫祀已矣四曰建
置則城室爲大焉吾欲其無失渾堅已矣五曰官師則治
教爲大焉吾欲其無褻士民已矣六曰人物則孝貞爲大
焉吾欲其無忝所生已矣七曰選舉則科貢爲大焉吾

其無倍於正已矣八曰古蹟則陵墓爲大焉吾欲其無悞
叩止已矣九曰文章則實用爲大焉吾欲其無辱達意已
矣夫沿實而履道之門也崇名而華德之棄也用中而時
化之本也守恒而一治之頌也夫四者先王之所以教萬
世也不然名存而實且亡矣惡在其爲志也故觀志所以
觀物也觀物而天下之理得矣奚有於政侯再拜而謝曰
先生教我矣遂命梓人在嘉靖辛丑六月也
案開州志王宗慶字德發止德戊辰進士嘉靖二年改山西參議遷河南副使乞終養家居十五年累官南京吏部尚書
隆慶間邑人趙莘讀禮家居因舊志更博采見聞纂輯成
志自爲小引曰趙氏莘曰夫志必務隨時紀錄然後秉史
筆者可采而輯也事久則無徵君子有遺憾矣垣志自嘉

長垣縣志 卷之十六 敘錄

三

靖庚子重修之後迄今逾三十年寂無能續之者故實靡
究吁可慨也一日忽庵李君忠山成君慎吾夏君益齋成
君與邑侯鶴峯孫公語及茲事公慨然欲亟成之未幾夏
成兩君舉進士忠山又受官之安邑任矣孫公迺不以余
碌碌莘屬以草創之責余聞之敞罔辭避矧余不肖方在
夏中曷能哉曷能哉忽庵曰士三年之喪有問則對禮也
莘迺不敢重違乞言諸大夫士家居者隨所見聞輒用錄
之其事疎其辭俾其爲例前後終始以備良史者采錄
焉耳志云乎哉隆慶五年七月識

開縣孫錄敘曰不佞筮仕宰長垣入其疆土地闊則疇曠
而川澤隘草木秀村境稠聚氓庶羣羣焉擬撰焉

讓而負氣節於寒與而式之曰此三代之遺風教化所
洽老也及馮罕政而得借其邑之大夫士晤談款洽入
耳湯心所聞更倍所見出而觀俗勸課野之耆宿引導指
畫則宣尼鳴琴之岡四子言志之所名教之統宗斯文之
命脉炳如日星若樞衣杏壇而躬罔措也比謁關龍逢比
干之祠拜遽大夫伯王之墓忠良軌範正氣休風爲之心
愜斯非夏商周之遺跡而文獻幸足徵者哉守土竊自慶
忝蓋垣在成周實衛之蒲邑先賢季路氏常爲之宰吾夫
子過而三善之則爲邑儀刑無俟他倣章程固班班在也
卽仇覽之不爲鷹隼寧爲鸞鳳又邈然下風矣孜孜砥礪
求不辱名邑垣之士民久咸相信亟欲取前令張公所修

長垣縣志

卷之十六

敘錄

四

纂舊志增輯而一新焉會有內召乃泊行回瞻棠封文獻
繫念心旌搖搖如有所缺及奉上命代巡八閩事竣赴帝
闕垣之秋官大夫趙公任齋以成志見遺且屬敘諸首簡
開緘諦誦事核而詞藻三代之遺芳與歷朝之善績星羅
霞燦鉅綱畢陳斐哉颯颯乎起而掩卷南向曰趙公成予
志敢無一言以概其偉蹟大地以志章志緣文顯以闡昔
以識今以昭后非名言弗庸也公之所敘述區別地里則
首封域闡揚教化則次學校紀錄成功則次建置綜覈征
徭則次戶口品裁政令則次官守揚確賢哲則次人物括
華腴存獻典以詔將來終之以藝文焉由是而垣無遺

有與憲矣君子立言美愛則傳公之言不與邑之

同悠久耶不佞敢謬爲之引其端云萬曆五年正月原任知縣監察御史孫錄

知縣胡宥敘曰夫邑志邑史也史不足徵則觀省息鑑戒
轉世教灑矣而可弗懼乎垣志自嘉靖庚子重修之後迄
今逾三十年以無能續之者鶴峯孫公爲此懼一日謀諸
垣大夫七咸曰任齋趙君素博雅且當讀禮暇可講志事
遂請于任齋任齋蓋辭再四不獲已迺虛心博采纂成是
編猶猷然自謂諷訪雖勤而詳略無體余初令垣業已脫
稿方錢梓也余覽之矍然避席三嘆焉析類核真揆序協
則可以爲史矣再閱月而梓人告成事先是廣學宮一節
孫公白之郡伯陽谷王公亟欲興起也頃之孫公以治行

長垣縣志 卷之十六 敘錄

應徵期會余郵舍剪燭講劇同心之言疊疊移星漢余旣
莅垣首先興學郡伯王公臨垣親爲指畫復得崑麓吳公
經略有法于是簡陋悉釐規模宏遠矣因取垣志重梓之
噫三公作人之功大矣垣人士睹斯志也亦可以思無負
也哉萬曆七年冬原任知縣監察御史胡宥

知縣邊有猷序曰余嘗覽鐘墳典蓋古以良史名家者靡
若龍門司馬遷氏遷所撰史首軒轅訖漢孝武上下數千
載間斯已詳博然譚者有遺議謂其疏略或抵牾何以故
蓋古史散闕久遷一旦操觚欲以括千古其采摭不旣難
哉是故漢以來郡國各有史史必隨時載筆匪徒標美燿
奇會是無以傳疑信詔示來後厥意勤且遠矣垣建置自

春秋今域在畿輔過汲鄴逾濟博深入河南山東兩省中
固我祖宗所垂念地人文蒸蒸然戶數蕃滋先名賢曰仲
大夫蘧君子於休哉垣信甲天下稱奧區矣余鄉封阜志
垣僅百里而近先是嘗傳觀垣邑乘蓋嘉靖庚子歲蒲照
杜令所重輯者近越三十稔竟寥寥夫事以代遷制以俗
異垣固昔日垣而風聲文物大非昔比紀注願可後時也
歟哉余用是深病之歲次乙亥余拜命令是邑甫視篆亟
索邑乘徵盛美爲楷範乃今與昔並列封疆增勝校政飭
觀建置有因戶田有籍官師人物有歷履蓋立例修詞悉
如馬遷氏而一時所見聞可無病疏略抵牾詎不謂邑史
之良也歟詳觀之知前邑令姚江鶴峯孫公兩世爲史官
長垣縣志

卷之十六

敘錄

六

雅重載籍故涖垣日首懇邑秋官大夫趙公趙公新實錄
又以訪邑縉紳君子書甫成會孫公以徵書請闕下繼者
新安金峯胡公也胡博雅尚纂述至輒付梓人且采補近
行諸條例余于是始得觀完書云夫令尹職司一方要習
知一方利病茲利若病剖悉二公芳軌又班班可免步噫
嘻邱陵在望奚趨爲高典刑在目奚趨爲政余藉是庶乎
免連贅矣初二公爲是集業各序諸首簡余叨附後塵將
嗣續錄時事識不忘也故僭書此于篇終萬歷七年長至
日知縣邊有猷

萬歷二十一年癸卯知縣張文煥屬趙華子舉人浩重纂
邑志凡八卷曰繪圖封域建置學校民士職官人物藝文

浩曰垣志自天順年草創歷正德嘉靖兩次重修大抵
記時事於古蹟缺如也隆慶間先大夫參議公讀禮每檢
閱事之有關垣邑者一一筆記漸成帙會邑侯施江孫君
屬續垣志遂潤色而畀之然亦其梗概耳間嘗謂小子浩
曰假我數年終遍棕核竟未酬所願經今又三十年併時
事茂如矣夫稽往詔來謂何哉適憲司關中周公留心著
述郡伯樵李孫公雅意表章檄下輯邑乘乃張令以屬小
子浩小子聞而避席曰元成抱經祇爲章句童烏守元何
與編摩乎已思當年未定之籍宜更後來方新之條宜入
就例摘詞依門列款以備邑令採摭方且增續臆之悲
言似鶩之請敢謂一家言耶繼此立言大君子操麴筆踵

垣縣志

卷之十六

敘錄

七

龍門茲編或不失爲魯史及世本諸書云萬歷癸卯季秋

識

人李化龍序曰長垣故有志疎陋不稱故藩參任齋趙
君曾受命邑大夫纂成之鑿而裁詳而不誣文質彬彬蓋
史也迄於今三十年時移事改宜有增修會備兵使者
周公移檄郡國督厲之前邑侯張公咨於眾僉曰歆向世
遷談遷世史家學淵源所從來矣孝廉趙君浩任齋公之
家嗣博雅多通世其家學今茲之舉匪異人任遂以屬之
孝廉既受命深惟承家華國之爲兢兢咨故實考時政探
詩綜核附以獨斷凡數月始告成事張公繕寫成帙致之
真上俟余寸其首會余石家歸不果既歸里逾祥乃竟

爾余觀今志爲秩六爲卷八物產悉華實之毛篚賦備日
土之貢人物表倣惡之概藝文授扶輿之英事皆摭實詞
不詭故龍門之業有光卯金之精不墜斯地志之偉觀方
輿之勝覽也乃余因是有感焉余考覽歷代史傳其政教
規模人心風俗始未嘗不深厚醇龐而後稍衰微漸盡也
正所不論卽吾邑自舊志旣修以來三十年間事凡幾變
之見編戶之民皆盡力耕織本富是務服飾屋宇織而不
近稍稍以奢靡相高華屋奇服炫耀耳目資相望於閭
閻矣往士民樸茂爲心親睦成俗遠鄉之人有老死不
入官府者近稍澆淳散樸凌諄素詭以爲常甚至告訐紛
爭走鄰國如鶩矣往士人治經守其師說童而習之白首

不改近稍稍以新說相高離經叛道宇內同風又不止茲
一方矣往故舊之家纓冕相傳閭閻不易居然張吳顧陸
之風近乃朝爲榮華夕爲憔悴三郤降爲餓隸若敖至有
嬰兒滄桑變於目前陵谷遷於指顧矣蓋天下之平久矣
興寧之世變孽滋焉氛祲見於天行風會成其波靡川闕
水以成川世閱人而成世習俗移人誰其解免卽有隨川
同瀾之志亦付之浩歎而已乃余猶有所不置於慮者夫
士畿首善四方環向而取則焉大邦大邑民之望也吾邑
風氣頗不後於他方縮王畿面大河蘇子所謂中國之處
而天下之樞地氣之所爲效靈也星名列於彙宿分寄虛
辰壁天文之所以垂象也躔環於此降生仰由於此

化八傑之所以流傳也夫物各有族千金之子非所望於
三家之市乃發祥烏衣之巷受氣王謝之門顧且碌碌如
頑石不以琳瑯珠玉相期許則墜家聲而敗先緒亦士之
耻也史稱垣近梁魯其人微重而矜節夫子之對衛靈也
曰其男子有死之志婦人有保西河之志蓋後己先人守
死善道自昔以爲俗矣夫伯起以一人重關西少卿以一
人恥隴右吾人亦何可不勉焉今而後生於垣者視躬必
若伯玉之知非仕於垣者准政必若季路之三善按藻而
興文者必期扶奎壁之天章雜風而流化者必期禱王畿
之首善則表動影隨風移俗易由中原達之天下卽歌雍
咏勺咸五登三直易易耳數年以來值有天幸剖竹之宰

長垣縣志

卷之十六

敘錄

九

由張公而上循良遞更漸以一道同風力挽末俗還之本
始至於今侯胡公政先教化動則古昔湛恩惠德掩映前
修佑啟來哲計今之蒲無難爲古之蒲乃若居德善俗流
今信後恢乎以豪傑自命而不爲習俗之移冀以爲光天
邑無負地靈則垣人士與有責焉吾儕尚勗之哉是爲序
兵部尚書邑人李化龍撰

國

朝康熙十九年庚申知縣宗琮因舊志續纂成帙序曰今
之邑古之國也今之邑志古之國史也周官外史掌四方
之志小史掌邦國之志凡一時寰宇山川則壤賦稅以及
觀民化俗彰往察來是非褒貶法戒取舍咸於是焉資志
之師俾豈淺鮮哉迨其既也後耳日之觀遲藻耀之詞論

事者不原其始纂言者不根其情不達廢興之因無以酌
損益之宜不徵善惡之跡無以動勸懲之感博而寡要華
而失真其於志也奚當焉長垣邑隸畿輔其文獻之盛自
三代時已然矣始余下車之日徘徊臨眺吊龍逢之故居
於龍相之里訪比干之石槨於小郭之村祠建雙忠殺身
成仁接踵二代可不謂異世同心乎繇雙忠祠南數里有
蓮大夫墓墓前爲君子堂吳季札曰蒲冬君子國無故也
孔子獨曰君子哉蘧伯玉今繇寡過未能之言思之斯真
君子不愧大聖人之推許焉古所謂鄉先生歿而可祀於
社者非斯人吾誰與歸垣邑地古而名且數易其邑治之
基亦數易獨今之縣治正當春秋之蒲史記仲由治蒲治

於斯夫子入由境邑入於斯至山之庭至於斯仲子三善
不可儼而行之乎恭敬忠信明察是誠後事之師也已城
北連岡疊翠其巖然而高者爲杏壇四子言志處也古柏
覆廟肅級而入像貌奇偉劍珮環列恍然坐春風而聞鏗
爾之音豈必適魯登堂觀其車服禮器始令人低回留之
不忍去云其西南有阜隱然土人曰是爲匡城或曰子畏
於是是不足觀也然匡人始雖以貌失聖人繼則聞曲而
解圍豈可與前迹伐檀者同日語哉其他幽貞之士孤嫠
之懿秀發山川光垂史冊者且屈指難盡也余心焉慕之
檢閱前志雖大旨臚列自萬歷三十一年以來曠焉弗修
者且八十餘載矣執掌之暇集諸庠彥網羅舊聞粗分條

以備編摩夫幾竟以母憂去垣越三年入都補選復筮
是邑余意前書疏闊或者緣此續成乎曩雖固陋寡識每
於簿書參錯之中不忘勵其初志適奉郡伯鮑公檄慨茲
墜典刻期殺事關縣務既不容緩况興廢補遺亦邑官
事也遂不敢以不文辭爰取原志參以近輯反覆披閱條
例各目悉從舊製至其持論之端不無今昔之別時異勢
殊因事揣宜其可削者削之非以掩前美其當易者
易之易之非以從後聞總期論事從實纂言抒理據簡冊
者多於耳目詳典章者遠於浮華勸懲足以昭一時之淑
惡損益足以表當代之規模庶幾踵事繼絕綱舉目張矣
迺若紀載窮於目力是非謬於去取言之無文行之不遠
長垣縣志

卷之十六

教錄

十一

亦聊備一方之類書耳敢曰史乘云乎哉是爲序皆康熙
歲次庚申仲秋之吉

賜進

士第文林郎知長垣縣事加三級關中宗琮撰

邑人邵煥元敘曰吾邑故有志溯修時距今百年而久矣
有增補邑侯關中宗公來宰于垣卽留意纂修將見商於
不佞會有郡志之徵求及卒業居無何公奉太夫人壽以
歸幸邀惠于公得再補吾邑其視邑志猶視家乘焉觀中
心志之值歲大禮日以荒政爲念未遑也今歲事滿康民
用以和方議修輯時郡伯三韓鮑公以修明獻典爲己任
移檄諸州邑董聽之公乃披故牒采輿論補缺芟蕪不日
刊而告成爲志有八爲卷有八而目五十有六公乃拜手

而爲之敘敘曰古者列國紀事各自爲史而志卽爲中
書與政合後世郡邑有志而無史則史爲史志爲志而志
遂與政分合則易美分則易乖况運值滄桑時異勢殊地
彈丸而或千百變焉所聞異辭所傳聞又異辭乃於世
言漚之餘而欲比事屬辭勒成一代良書卽班馬無所施
其巧董倚無所用其直矣則言志於今日爲獨難我

國

家寧一字內舉十五國而籍之版圖掌之職方以旣茲增
而臚列矣猶必兼采郡邑志乘以大一統之盛者蓋以
者史之餘一邑者天下之餘也吾垣隸在畿南爲河東
一都會星野於此焉徵方輿於此焉辨田賦於此焉
風俗人心吏治賢才於此焉考證是志也者固政之

長垣縣志

卷之十六

敘錄

主

也則邑志所關爲重且鉅今公意主論世不以飾
獻不以窮說寧闕疑毋寧參博詳要得譬彬彬乎
已故志星野則營室東壁之墟犁然其布矣尚慎
志封域則負山阻河固形勝所必爭也尚亟防
土則生齒由登而之耗田畝由贏而之繼燔於寇
勞止可念矣則壤成賦休養底慎之道宜講也城
堂以出治壇壝以事神非是則不舉不書矣勞勩
欲其復不欲其墜也則志建置頌登以宏化賢
而聖哲遺蹟圖書輿府固聞風可興矣毋委膠庠

志則志學校治教聿興厥有官師志職官而
應列星矣毋背戕毋胥虐民其水

取士爰重賓興志選舉而對天人賦長揚纍纍多上第
毋采春華忘秋實其思人重科名與其自龍比而下的士
稱賢季英稱介代興之彥是經是程或勲著旂常或行孚
月旦廉頑立懦仰懿民貞婦皆可風矣尚思典型哉故志
人物至於文以載道詩以觀風自龍門紀事班姑賦懷空
同之記雙忠嘉州之題婦姑皆辭嫻體要義備風雅者夫
其他莠文俚語止堪覆瓿無取焉載籍既博亦當世得
失之林也故以藝文終焉夫如是因文以求義因義以制
事因事以起化不出一邑而天下之理得矣則志也卽史
也卽所以爲政也予以上應

天子稽古右文至意助聲教而宣雅化故不徒備典文飾盤

長垣縣志

卷之十六

敘錄

三

已也後之覽者得公之意而用之相與革薄往忠孝友嫻
睦以坐進於古先淳龐之風是公之與邑父老子弟相與
以有成也其亦可油然而興感矣是役也公不以余爲固
陋間爲蕩蕩之詢余小子生也晚竊以所聞於鄉先正者
質言之遂贅其言於簡端皆在康熙庚申孟秋之吉

賜進士出身奉

敕提督湖廣通省學政按察司僉事邑人邵煥元撰

雍正八年庚戌知縣胡承燾因舊志編續志彙四卷又另
輯懿德義行孝烈貞節婦女共若干人名開來集序
曰邑志彙成此心耿耿若有未能卽安者蓋思天生烝民
厥有恒性聖賢可學而至風俗可得而移况垣邑民人質

本勇於爲義節烈忠孝之爭仁厚友愛之趨鬱勃奮發
可相率而驅之於善顧爲上者鼓舞作新苟無其術則將
因循不振誰其導夫先路而底於有成哉

皇上聖作物睹建中歸極訓詞諄諄廟祀奕奕凡以褒崇已往
垂示將來唯恐直省志書記載偶遺表揚未實

盛心盛典千古爲昭敢不仰體

皇仁廣爲推廓擬鐫珉石徧愜輿情乃前人採集未周繼起搜
羅難據載諸彤管念切遺珠旣以世遠蹟湮末由詳報縱
欲寬爲攬入猶待博搜其何以俾前徽不沒衆志式彰且
用以成鼓吹一時歡騰兆姓監茲已往灼見於今側聞現
在苦志足嘉前修是競者或格於年例或俟以蓋棺或錄
長垣縣志卷之十六 敘錄 古

其已臻而徐窺後效或視其積行而入

告有期一則籍以振興民行而茹荼飲藥不致終埋一則藉以
預備考稽而物換星移儘堪撫拾卽民心之向往知載籍
之無他別紀一集名曰開來爰弁以言以俟繼起時當報
最幸附薦剡仰觀

天顏 滇南

特用行與吾民別矣撫茲編重有望焉從此比戶可風輝煌續
乘尚其徧爲幽德遠觀厥成是爲序

賜進士出身知長垣縣事卓異

命往雲南候補涇川胡承璘序

湯潮陽元錫曰元錫自癸亥歲爲任刺史銜薰修棗強志

成復爲任君纂輯族譜往來郵迤者六年戊辰至開州作
族譜文傳若干篇橐旣就適水大令于垣重修長垣志以
元錫先世多所著述近十數年來屢應郡邑修志之聘寓
書至開屬以編纂之任設館以待自惟寡昧少文旣不克
上承家學復不能明習掌故况以百三十年未修之志無
徵不信難以當人人之心而服其口也後念州邑之吏大
抵刀筆匡篋錢穀簿書奔走期會日不暇給疇暇爲鉛槧
事哉今大令慨然以修舉廢墜爲己責元錫曩與大令先
後主鹿城講席交誼至深何敢再辭乃於十月至長垣相
與斯夕商確明代正德嘉靖年志已不可得而見所見者
惟萬歷年張令文炳志並康熙庚申宗令琮之續志耳宗

長垣縣志

卷之十六

敘錄

五

志八卷全錄張志藝文居其半繁冗失當地理沿革又多
闕略爰攷證羣書本原諸史正其譌誤又徧訪村落間殘
碑斷碣以補闕遺研精覃思九閱月而成書爲圖十六爲
表四爲書五爲記三爲錄三其十六卷一準昔賢之體非
於奇立異也體例俱詳敘列中其敘曰

古來地理首尚圖經維大司徒辨其地名元和圖志相輔
而行圖約書博攷證以明用作圖考庶合地形述圖攷第

一 魏晉蒲城春秋衛地長垣長羅秦漢所置匡城鶴邱縣名
屢從溯其沿革以鑿地理作表與攷如掌可指述沿革表

第

漢魏五侯封此疆宇功臣剖符恩澤列士常惠王遷迺世
其緒宋俊采邑食五千戶王室藩屏侯籍以序述封爵表
第三

班史作表迺述百官奉職循理宰令最難丞尉博士共求
治安或勞撫字或多煩冤殷鑒在茲列表以觀述職官表
第四

漢廷選士首重賢良甲科貢舉制自隋唐迨及宋明經術
益彰錄其科第倣於姚康或由別途或列戎行述選舉表
第五

星分室壁地號巨瀟疆域村聚明其里途河流所經或導
或疏蜿蜒長隄衛此方隅古蹟冢墓附之以書述地理書
長垣縣志 卷之十六 敘錄 共

第六
畫疆置吏民祀攸司峩峩大邑築塘濬池公庭治事學校
親帥兵防墩堡保衛係之市廛橋梁次第設施述建置書
第七

古者授田什一供貢出入有恒以制邦用兩稅之法承自
唐宋我

朝寬大刪其繁重丁均於賦兆民歌頌述田賦書第八

緣情制禮有本有文通乎上下昭事鬼神簠簋豆古制
率循協和邦國以諧萬民慶典胤典吉禮是陳述典禮書
第九

史家紀載大事推首鉅典煌煌

聖澤孔厚振貸蠲租曠古未有祥異故事省躬察咎彙而紀之以垂永久述事紀書第十

明禮重學易俗移風仲子三善周弊儒宗仇香化人舜欽竭忠誰其嗣之政循譽隆民之所思風愛永崇述循政記

第十一

伯玉名賢季英清節韓充王獵彪炳史冊明李襄毅勲名顯赫政事忠義文苑懿德逸韻遺風溯彼先哲述人物記

第十二

春秋婦姑名城立廟古傳列女不專一操迺記賢懿貞烈節孝筠心不移月影孤照區別清芬管彤有耀述列女記

第十三

長垣縣志

卷之十六

敘錄

七

班史藝文止存書目方志所載文辭繁複推原其故倣之輯錄以文徵實以類相屬崇實黜華攷鏡斯足述藝文錄

第十四

興和魏碣天寶唐碑披苔剔蘚古寺叢祠宋元金石搜索始知攷證古往昭示來茲好古有懷補志闕疑述金石錄

第十五

邦志既成必推所自圖表書記本原諸史網羅放失察終原始有所損益聿求其是補闕正譌以俟君子述敘錄第

十六

長垣縣志終